



ATASSUT

Siverth K. Heilmann

UPA 2015/134

12.05.15

Apeqqarissaarnermi oqallisissatut siunnersuut: Inissialiortitsinermi pisortat tapiissutaasa qanoq agguarneqarnissaannik ineqarnerlu pillugu aaqqissuusseqqinnissaq qanoq ittoq Naalackersuisut Inatsisartunilu ilaasortat qanoq isumaliutersuuteqarpap?
(Inatsisartunut ilaasortaq Ane Hansen, Inuit Ataqtigiit)

ATASSUT-miit oqallinnissamik siunnersuuteqartoq qutsavigaarput.

Oqallinnissamik siunnersuuteqartup qulequttat pingaaruteqarluinnartut uani tikimmagit, isummersuutigineqartullu ATASSUT-mi anguniakkatsinnut naapertuuttorujussuusut oqaatigissavarput.

ATASSUT-mit qitiulluinnartutut isigaarput, angerlarsimaffik. Inuit amerlanerpaat toqqissillutik ilaqtariittut angerlarsimaffeqarnissaat, ATASSUT-mi anguniakkatta pingarnerit ilagaat, tamannalu aamma pillugu oqallinnerni tamatigut peqataalluta. ATASSUT-mi isumaqarpugut, ineqarneq pillugu partiit tamatta anguniakkamik ukiunut arlalinnut suliniutigineqartussamik siamasissumik isumaqatigiissuteqartariaqartugut. Isumaqatigiissutigineqartariaqarpoq, ilumut nunatsinni inissaaleqineq iliuuseqarfissat annerit ilagimmassuk. Tassanilu ATASSUT-mit isumaqarluinnarpugut, pisortat, Kommuunit, Namminersorlutik Oqartussat, inuussutissarsiornermik suliaqartut, sanaartortut suliffeqarfiit peqatigiilluta ajornartorsiut siamasissumik isumaqatigiissuteqarfigisariaqaripput, angullugulu – taamaasilluta siunissami qanittumi aningaasanik inatsimmi ukiunut tulliuttunut inissialiorderit, aserfallatsaaliinerit, isaterinerit, nutaanillu illuliornerit malunnaateqarluartumik ataqtigiissumik, kommuunit peqatigalugit aaqqissuutissavarput.



ATASSUT-miit pingartipparput, ineqarnermut maannakkut akiusut eqqartussallugit, qanoq iliornikkut aaqqissuuteqqissallugit, aammalu ataqatigiissillugu inissialiornerit, taamatullu aserfallatsaaliinerit kommuunit suleqatigalugit ataqatigiissarnissaat pingartikkatsigu.

Taamatullu aamma ATASSUT-mi isumaqarpugut, ineqarneq eqqartortillugu, tikinngitsoorneqarsinnaanngitsoq, inissianik sanaartornermi sanaartornerit sivisussusaat, atortut suut atornerarneri, tamakku naggataani apeqqutaalluinnalartartut, aalajangiisunngortartullu inissat, ineqarfiginerini ineqarnermut akimut.

Ineqarnermut ilanngullugu eqqartorusupparput sanaartornerni aamma avatangiisinut inussiarnernerusut atortut, mingutitsinnginnerusut, soorlu: Pisortat illuliornerit inissianik aamma ilannguttassagigut, seqernup qinngorneranik kiassarneq, nukissiuutit allat – tamakku tamarmik siunissami atuisunut aningaasatigut pitsanngorsaataasussat, aammalu nunatsinnut, silaannatsinnullu mingutsitsinnginnerusut. Taamaattumik aamma suliffeqarfiit nunatsinniittut, pisortallu suliffissuaataat ATASSUT-miit kaammattorusuppugut inissialiornermi, illuliornernilu eqqarsaatit taakku aamma ilanngullugit pilersaarusernerni atuuttunngornissaat.

Nunatsinni maanna illorpassuaqarpoq, ukiorpassuarni attartortunit akilersorneqartut, inissiani ineqarpata, allaniluunniit. ATASSUT-mit piffissanngortutut isigaarput, pissutsit taakku ersarissumik aalajangiiffigissagigut, akit suut qanoq aaqqissuunniarnerigut, aammalu attartortunut pitsanngorsaait suut aallarniutigalugit atuutsilissagigut.

Taamatut oqallinnermut ATASSUT-miit oqaaseqarpugut, oqallinnermullu pitsaasumut qujanaq.